

SULEQATIGIINNISSAMUT NALUNAARUT

ISLANDIMI ILANNGAASERINERMUT OQARTUSSAT, SAVALIMMIUNI ILANNGAASERINERMUT OQARTUSSAT KALAALLIT NUNAANNILU ILANNGAASERINERMUT OQARTUSSAT, ILANNGAASERINEQ PILLUGU SULEQATIGIINNISSAMUT NALUNAARUTAAT

Islandimi ilanngaaserinermut oqartussat,
Savalimmiuni ilanngaaserinermut oqartussat
Kalaallit Nunaannilu ilanngaaserinermut oqartussat

Isumaqatigiissuteqartut suleqatigiilluarnissaq **erseqqissaatigaat;**

Isumaqatigiissuteqartut isumaqatigiissutit pioreersut il.il. **ataqqiniarpaat;**

Atlantikup avannaani nunallu assigiinngitsut akornanni ilanngaaserinermut inatsisit suleqatigiissutigineqarnissaat atortuulersinneqarnissaallu pisariaqartuusooq **akuersaarpaat;**

Paasissutissanik ilisimasanillu paarlaasseqatigiittarnissamut aalajangersimasumik ingerlalluartumillu periusissat pingaaruteqartuunerannik **akuersaaruteqarneq** suleqatigiinnissamullu isumaqatigiissuteqartut suleqatigiinnerup ineriartortinneqarnissaa pitsanngorsarneqarnissaalu siunertatut qitiutillugit

Makku paaseqatigiissutigineqarput:

Immikkoortortaq 1

Paaseqatigiinnissap pitsanngorsarneqarnissaa piginnaasallu nukittorsarneqarnissaat siunertaralugit, isumaqatigiissuteqartut akornanni paasissutissanik ilisimasaqarlualernissarlu anguniarlugit ataatsimeeqatigiittarnerit ilisimasanillu paarlaasseqatigiittarnissat assigisaannillu siunertaqarluni tikeraaqatigiittarnissat isumaqatigiissutigineqarput.

Pingaarnertut ataatsimoorullugit ingerlanneqartassapput makku:

Ilanngaaserisoqarnikkut suleriaatsinik assigiimmik periuseqarneq
Niueqatigiinnermi allaffissornikkut nunami sullissivik ataaseq
Qimminik sungiusaqatigiinneq
Aarlerinartoqarsinnaanerani nalilersuineq nakkutilliinermullu periusissat
Nioqqutissanik skannerineq misissuinerlu
Atortorissaarutinik immikkut ittunik pisineq
Sungiusarnerit sulisoqarnermullu tunngasut
Aqutsinikkut ammasumillu paasissutisseeqatigiittarnissamut periusissat

Suleqatigiissutigineqartut qaqugukkulluunniit pisariaqartitsineq naapertorlugu annertusillugilluunniit annikillisinneqarsinnaapput.

Immikkoortortaq 2

Isumaqatigiissuteqartut ataatsimeeqatigiinnernut aningaasartuutitik tamarmik immikkut namminneq akilertassavaat, allamik isumaqatigiissuteqartoqarsimatinnagu.

Immikkoortortaq 3

Isumaqatigiissuteqartut isumaqatigiissutaasunut attuumassutilinnut suliaqartillutik inatsisit malittarisassallu atuuttut isumaqatigiissuteqartullu akornanni pituttorfigisat eqquutitisallugit qulakkeertassavaat.

Immikkoortortaq 4

Paasissutissat suulluunniit, tassunga ilanngullugit paasissutissat inunnut ataasiakkaanut tunngasut, suleqatigiinnissamut isumaqatigiissummut massumunnga tunngassuteqartut pissarsiat isertuunneqartassapput, nunami suliasamik tigusiffiusumi aqutsinermut aalajangersakkat atuuttut minnerpaamik naapertorlugit suliarineqartassapput.

Immikkoortortaq 5

Suleqatigiinnissamut isumaqatigiissutip massuma isumaqatigiissuteqartut pingasuusut tamarmik akornanni atsiorneqarneratigut atuuttunngortinneqassaaq.

Immikkoortortaq 6

Isumaqatigiissuteqartut akornanni isumaqatigiissutigineqarpoq, ukioq allortarlugu ilanngaaserinermut oqartussaasut pisortaasa akornanni ataatsimeeqatigiittoqartassasoq. Ataatsimeeqatigiinnerit nunat pingasuusut akornanni paarlakaajaalluni aaqqissuunneqartassapput. Ataatsimeeqatigiinnerit, ukiut qaangiuttut nalilersuiffiginerinik ukiunullu tulliuuttunut pilersaarusionernik imaqartassapput.

Ulloq:

Snorri Olsen

Eyðun Mørkøre

Kim Neumann Nielsen